

KERATAN AKHBAR

TARIKH : 8 DISEMBER 2022
AKHBAR : BERITA HARIAN
MUKA SURAT : 22

PETRONAS temui minyak, gas di luar pesisir Sarawak

PETRONAS temui minyak, gas di luar pesisir Sarawak

PETRONAS menerusi anak syarikatnya, PETRONAS Carigali Sdn Bhd (PCSB) menemui minyak dan gas di telaga Nahara-1 di Blok SK306, yang terletak di perairan cetek di Balingian kira-kira 150 kilometer dari Bintulu, luar pantai Sarawak.

Telaga Nahara-1 berjaya dige-rudi sehingga kedalaman keselu-ruhan 2,468 meter dan menemui hidrokarbon di jujukan sedimen Late Oligocene hingga Middle Miocene, kata PETRONAS dalam satu kenyataan hari ini.

Minyak ringan dengan bahan cemar minimum juga terbentuk selepas pengujian pengeluaran dijalankan bagi telaga itu.

PCSB adalah pengendali blok itu dengan 100 peratus kepentingan penyertaan dalam kontrak perkongsian pengeluarannya.

Naib Presiden Eksplorasi PETRONAS, Mohd Redhani Abdul Rahman, berkata syarikat itu gembira dengan penemuan tersebut dan impaknya ke atas usaha eksplorasi masa depan di kawasan sekitar.

"Nahara-1 adalah penemuan minyak yang penting oleh PCSB dalam tempoh dekad lepas. Ia adalah bukti potensi besar lembangan prolifrik Malaysia yang kekal sangat prospektif," katanya.

Mohd Redhani berkata, penemuan itu juga mengukuhkan strategi eksplorasi semasa PCSB untuk meneruskan fokus dalam usaha eksplorasinya di lembangan Malaysia. **BERNAMA**